



REPUBLIKA E SHQIPËRISË
MINISTRIA E DREJTËSISË

**QENDRA E PARANDALIMIT TË
KRIMEVE TË TË MITURVE DHE TË
RINJVE**

Nr. 80 prot.
Tiranë, më 20.02. 2023

QENDRA ACT FOR SOCIETY

Nr. 78 prot.
Tiranë, më 20.02. 2023

MARRËVESHJE BASHKËPUNIMI

NDËRMJET

***QENDRËS SË PARANDALIMIT TË KRIMEVE TË TË MITURVE DHE
TË RINJVE***

DHE

QENDRËS ACT FOR SOCIETY

“Për

***Vendosjen e bashkëpunimit për rehabilitimin e të miturve në shoqëri, pas
kryerjes së dënimit”***

Sot, më datë 20/02/2023, në Tiranë, lidhet kjo Marrëveshje Bashkëpunimi ndërmjet palëve:

Qendra e Parandalimit të Krimeve të të Miturve dhe të Rinjve (më poshtë “QPKMR”), përfaqësuar nga Znj. Klaudia HASANLLARI, me adresë Bulevardi “Zog I - rë”, Tiranë dhe e-mail: qpkmr@drejtesia.gov.al.

dhe

Qendra Act for Society, përfaqësuar nga Armela Pengili, me adresë: Bulevardi “Bajram Curri; Nd.280; H.5; Ap.4, Tiranë, Shqipëri, dhe e-mail: info@actforsocietycenter.org

Palët kanë rënë dakord të lidhin këtë Marrëveshje Bashkëpunimi, në vijim e quajtur Marrëveshje.

Neni 1

Qëllimi i Marrëveshjes

Kjo marrëveshje ka për qëllim përcaktimin e mënyrave të bashkëpunimit midis Qendrës ACT for SOCIETY dhe Qendrës së Parandalimit të Krimeve të të Miturve dhe të Rinjve (QPKMR) për të ofruar shërbime për rehabilitimin dhe riintegrimin e të miturve dhe të rinjve të cilët janë në mbikëqyrjen e QPKMR.

Neni 2

Baza Ligjore

Kjo Marrëveshje Bashkëpunimi bazohet në ligjin nr. 37/2017 “Kodi i Drejtësisë Penale për të Mitur”; ligjin nr.18/2017, “Për të Drejtat dhe Mbrojtjen dhe e Fëmijës”; ligjin nr. 121/2016, “Për Shërbimet e Kujdesit Shoqëror në Republikën e Shqipërisë; VKM nr.148, datë 13.03.2018 “Për përcaktimin e rregullave të bashkëpunimit ndërmjet mekanizmave këshillimorë e koordinues institucionalë, strukturave për të drejtat dhe mbrojtjen e fëmijës dhe organizatave jofitimprurëse, për realizimin e politikave kombëtare e vendore, si dhe për shërbimet e nevojshme për mbrojtjen e fëmijës”; VKM nr. 635, datë 26.10.2018 “Për veprimtarinë e strukturave për mbrojtjen e fëmijës, në lidhje me fëmijën nën moshën për përgjegjësi penale, që dyshohet apo ka kryer vepër penale”, si dhe VKM nr. 314, datë 15.05.2019, “Për organizimin, funksionimin, si dhe përcaktimin e rregullimeve specifike lidhur me strukturën dhe organikën e Qendrës së Parandalimit të Krimeve të të Miturve dhe të Rinjve”.

Neni 3

Kohëzgjatja e marrëveshjes

Kjo Marrëveshje Bashkëpunimi lidhet për një periudhë 1 (një) vjeçare me të drejtë ripërtëritjeje me te njëjtin afat, nëse palët nuk shprehen në të kundërt përpara mbarimit të afatit.

Neni 4

Detyrat e palëve

1. Qendra e Parandalimit të Krimeve të të Miturve dhe të Rinjve (QPKMR) angazhohet:

- a) Të hartojë dhe të dërgojë kërkesë Qendrës Act for Society për të miturit që kanë përfunduar dënimin, në të cilën të evidentohet nevoja për ndjekjen dhe rehabilitimin e të miturve dhe të rinjve, sipas programeve që Qendra Act for Society ofron, si dhe të komunikojë me personin përgjegjës nga Qendra Act for Society për ndjekjen e këtyre rasteve.
- b) Të bashkëpunojë me Qendrën Act for Society për monitorimin e zbatimit të programit individual të trajtimit të të miturve dhe të rinjve, gjatë gjithë periudhës kohore të nevojshme të riintegritimit dhe rehabilitimit, nëpërmjet programeve që ata do të ndjekin.

2. QENDRA ACT FOR SOCIETY angazhohet:

- a) Të vendosë pikat e kontaktit me personat përgjegjës në Qendrën e Parandalimit të Krimeve të të Miturve dhe të Rinjve, të cilët do të raportojnë dhe ndjekin të miturit dhe të rinjtë që do të angazhohen drejtpërdrejt në zhvillimin, zbatimin dhe institucionalizimin e mundshëm të programit;
- b) Implementimin manualit Y+ të përshtatur për punën me të miturit dhe të rinjtë në institucionet e vuajtjes së dënimit që do të përfshihen në grupe seminaresh edukative dhe në fushata të normave sociale që synojnë të miturit dhe të rinjtë në Institutin e të Miturve Kavajë për të ndërtuar një mjedis të përshtatshëm;
- c) Krijimin dhe kryerjen e një programi trajnimi për personelin e mirëqenies sociale dhe edukatorët që punojnë drejtpërdrejt me prinderit e të miturve dhe të rinjve në konflikt me ligjin, në kuadër të Prinderimit Pozitiv në bashkepunim të ngushtë me UNFPA Shqipëri
- d) Krijimin dhe kryerjen e një programi trajnimi për personelin e mirëqenies sociale dhe edukatorët që punojnë drejtpërdrejt me të miturit dhe rinjtë në konflikt me ligjin;
- e) Zbatimin e seminareve dhe trajnimeve, si dhe ofrimin e mbështetjes mentoruese për stafin e QPKMR gjatë gjithë zbatimit të kësaj marrëveshje;
- f) Krijimi i Klubeve “Be a Man” brenda institucioneve të vuajtjes së dënimit dhe komuniteteve të synuara për të krijuar një përsëritje të përshtatur të modelit të Programit “Y” të hapësirave të sigurta për të miturit dhe rinjtë në konflikt me ligjin.

Neni 5

Personat e Kontaktit

1. Secila nga palët përcakton një person kontakti të cilës/it i drejtohen të gjithë komunikimet, qofshin verbale apo të shkruara, elektronike ashtu edhe të shtypura.
2. Në çastin e nënshkrimit të kësaj marrëveshjeje, personat e kontaktit janë si vijon:
 - a) Për QENDRËN ACT FOR SOCIETY: Z/znj Armela Pengili, me numër kontakti Cel: 0698304533
 - b) Për QPKMR: Znj. Klaudia HASANLLARI, Drejtor, me numër kontakti Cel: 0688751513.
3. Këta persona do të jenë përgjegjës gjithashtu për saktësinë e protokolleve, procesverbaleve dhe çdo dokumenti tjetër të nevojshëm.
4. Në rast të ndryshimit të njërit nga këta persona, pala e cila përfaqësohet prej këtij personi, duhet të sigurohet që të njoftojë me shkrim palën tjetër nënshkruese brenda 5 (pesë) ditësh, për të dhënat e personit të ri të kontaktit.

Neni 6

Konfidencialiteti

1. Palët, në dijëni të përgjegjësishë së tyre ligjore, zotohen të respektojnë dhe të ruajnë etikën profesionale dhe konfidencialitetin e informacionit për secilin nga rastet objekt të bashkëpunimit midis tyre.
2. Në qoftë se nevojitet, në funksion të interesit më të lartë të fëmijës, njëra palë mund t'u kalojë informacionet e përfituara mbi personat subjekt i kësaj Marrëveshjeje (Neni 1 më lart) palëve të treta, duke njoftuar/sqaruar paraprakisht me e-mail apo shkresë palën tjetër nënshkruese të kësaj Marrëveshjeje në lidhje me këtë veprim.

Neni 7

Përfundimi i Marrëveshjes

1. Secila nga palët mund të përfundojë këtë Marrëveshje përpara afatit të përcaktuar në nenin 3, duke njoftuar palën tjetër me shkrim, jo më vonë se 30 (tridhjetë) ditë përpara përfundimit të marrëdhënieve të Marrëveshjes, duke dhënë sqarime të hollësishme mbi këtë ndërprerje.
2. Për çdo rast, pavarësisht mënyrës së përfundimit, secila nga palët do të përmbushë të gjitha detyrimet që rrjedhin nga Marrëveshja deri në çastin e ndërprerjes së marrëdhënieve.

Neni 8

Hyrja në fuqi

Marrëveshja hyn në fuqi nga dita e nënshkrimit të saj.

Neni 9

Dispozita të fundit


1. Kjo marrëveshje hartohet në katër kopje të barasvlershme, nga dy kopje për secilën palë, të firmosura nga titullarët dhe të vulosura me vulat zyrtare të institucioneve palë.
2. Marrëveshja mund të ndryshohet vetëm nëpërmjet një dokumenti me shkrim të nënshkruar nga të dyja palët.

PËR

**QENDRËN E PARANDALIMIT
TË KRIMEVE TË TË MITURVE
DHE TË RINJVE (QPKMR)**

DREJTOR

KLAUDIA HASANLLARI

PËR

**QENDRËN ACT FOR
SOCIETY**

DREJTOR

ARMELA BEN GILI

